




Georgius Klok, M.D.
Francofurti ad Moenum.

June 14529

MM

John H. ...
... 1901



John H.

Enne nach stend̄t verczeychnet die v̄fgebrantē
wasser in welcher maß man die zū den gelidern
nutzen vnd brüchen sol Als dan meyster **M**ichel
Schrick doctor yn der ertzney beschriben hat. vñ
ist gar gūt vnd nūczlich zūwissen.

Etem so einem menschē die red geliget dē geb
man **S**alua vnd pffenblatblasser.

Etez von dreyen wasserē die zū dem herzen
dyenen als **P**orago **M**elissa vñ **D**chsenzungen.

Etem zū dem magen **S**permūt **M**inczen Ruten
vnd Wolgemūt wasser.


Etem zū der leber **A**mpffer **S**egbreyt **M**ey-
distel **E**rdbewasser.

Etem für das reyssen oder grymmen. **P**apeln
Ruten **M**atran **P**ufferling **A**schlach wasser.

Ete zū dem heubt **S**alua **B**ethonica **M**ayora
Lauendel **F**enchel **H**olerblwewasser.

Etem zū den **A**ugen **E**ysenkrant **R**itterspohn
rosen **F**enchel rutē **A**ugētrost **S**chelkrautwasser

Ete zū dem angesicht. **L**iliūcōnalliū **B**onblwe
Kundreck rosen **M**itgraffe **A**bgemacht wasser.



Item fur die **Rur** **Wegerich** **Eychenlaub** **Hy-**
melbrandt wasser.

Ite fur die **Destilencz** **Ampffer** **Buchampffer**
Dyptan **Waldrian** **Brunellen** vnd **Wyrwurcz**.
wasser.

Ite fur die **Bermuter** **Poley** **Wylilien** **Sü-**
bentgurtel **Samillen** **Tyllen** **Seuenbaum** wasser.

Item fur die **Geschwulst** **Lebstuckel** **Nachts-**
schadt **Bilsen** **Hufwurcz** wasser.

Item fur das **Wylcz** **Hymelschlüssel** **Wyrzē-**
czungen **Tamariscus** **Kunlikraut** wasser.

Ite fur die **wassersucht** **Reich** **Wildknobloch**
wasser.

Item fur den **sandt** in den **lenden** **Retich** **Tillē**
Spiczwegerich **Peterselige** **Steynbroch** **Spyn-**
delbaum **Waldrian** **Spargen** wasser.

¶ Hye nach volget eyn nuczlich materig von ma-
nigerley vßgebrantē wassern wie man die nuzen
vnd bruchen sol zu gesuntheit der menschen. vnd
das buchlin hat meyster Michel Schrick doctor
yn der erczeny durch liebe vñ bede willen erberē
personen uff den buchern zu samen colligirt vnd
beschrieben.

¶ Zu dem Ersten von dem rosenwasser.

Rosenwasser ist einwenig kalt vnd
fast truckē. das selb wasser ist ge-
brent güt den krancken luten die
vnmächtig sint vō vnnaturlicher
hicz dem sol man es an strichē so
stercht es das hercz. vnd ist güt vor die pestilencz
vnd wem das heübt heiß ist. vñ sunderlich zu dē
roten vnd krancken augen. Es ist auch gut zu der
heissen lebern. Auch an dē schlaff vñ puls gestri-
chen leget es die schuß vnd macht gut ruwe czū
schlaffen vnd sunderlich so man manus christi do
myt temperirt das ist gut für die vnmacht. vñ
verstillt auch dē fluß der rur yn dem buch. auch
erkulet es die leber vnd den magē vñ ist gar güt
wan man blut uff spurczt.

¶ Von Rosen die uff dem hagedorn steen.

¶ Rosen die uff dem hagedorn steen das wasser
gebrant ist warmer natur vñ ist gut dem der kal-
ter natur ist. vnd wem der mag erkaltet ist dē. sol
man es geben zu drinckē vñ was siechtumbs dan
der mensch von keltē wegē hat dar fur hilfft es.

¶ Von schnellblumen wasser.

¶ Clappen rot rosen oder schnellblumē die in dem
hornwachsen. das wasser ist gut genuczt vor alle

in wenbig siechtagen die von wasser hiez sein be-
sunder zu der leber wā sie vol vnnaturlicher hiez
ist. vnd getrückē hilfft fur das wilde freysam an-
jungen vnd alten luten. vnd sonderlich fur sant an-
thomius plag dar uff gelegt vñ getruncken. Auch
die frauen die ir krankheit zu vil habē die trün-
cken das wasser. auch ein tuchlein dar yn geneetzt
vnd zwischen die brust gelegt das vñsullet yn ir
kräckheit. auch ein tuch geneetzt vñ vff die lebern
gelegt vñsullet das bluten vñ der nasen vñ ist güt
fur all feül vñ fressen yn dē mund vñ der leffzen.

Von weyß Lilien wasser.

Der weissen lilien wasser ist gut zu den augen
dar yn vñ darüb gestrichē nach dē bad dz zeucht
die hiez vñ die rot vñ das sy luter werdē vnd nit
schwerē. vnd sonderlich das antlicz da mit gewa-
schen macht es luter schon vnd clar. Es ist auch
gut wan ein mensch vnmächtig vñ hiezig ist vmb
das hertz vnd vmb die lebern. vñ ist auch gut dē
die boß feuchtikeit haben vnd die eng seind vmb
das hertz von boßer hiez wegen.

Von blau lilien wasser.

Blau lilien wasser ist güt fur all fiber welcher-
ley die sein. es ist gut getruncken fur die roten was-
sersucht lebersucht vñ gellsucht vñ fur das darm-
gicht vñ grymmē in dē leib. vñ altwunden vnd den
hrebs vnd noli me tangere heilt es bald.

Von den Speck lilien oder felt gilgen.

Speck lilien die yn dē dorn wachsen. dz wasser
ist gut fur das hertz gelper vñ bezwang vmb die
brüst vñ ist gut dē wassersuchtigē vñ dē die lung
faulet oder schwirt vnd den die sere keychē vnd
macht langen atem vñ reüant die brust vñ ist güt

den die den stein in dē lenbē habē vñ reiniget die nyeren vñ ist widder die vnkuscheit güt. auch ist es dē güt der sich besorgt sund sich zu werdē vñ wer rot vñ bleteret vnder den augē ist. **E**s macht auch schon antlicz. vñ ist güt wē der dropff oder schlag getroffen hat. vnd wem die gliedder erla- met syn der sol sich do mit schmyren so hilfft es.

¶ Von Meyen blumen wasser.

¶ Liliū coualliū das ist meyen blümē wasser das ist gut wer giftt gessen hat das sol man yme von stunt zu nyessen gebē vñ wen ein spin oder gifttig thier oder wurm verunreiniget het oder ein wutē der hunt gebiessen hat wā sie das wasser trinckē so hilfft es sy. **E**s ist auch gut dē frauwē die der kinde in arbeit gen. vnd ist gut allen vnreimē siech tagen vñ sunderlich zū den augē die klärt es vñ krefftiget dz hirn vñ daz hercz vñ sterckt die syn vñ ist güt den die den fallendē siechtagē habē vñ die sich forchtē fur der usseczikeit. vñ der frauwē krankheit. vñ wem die sprach gelegē ist dē stich man es vff die zungen.

¶ Von Fyel wasser.

¶ Fyel wasser ist gut den vnsynnigen die ir syn verlorē han von bosem gesmack oder rauch. auch ein lynen tuchlin in dem wasser geneczt vñ uff die feig warczē gelegt vertribt die. Auch kulet es dz ehrcz naturlich vñ leschet dē dorst. vñ ist gut den menschen den die augen schweren wollen. **E**s ist auch den güt die den hercz stechē han wan es kulet vnd krefftiget den ganczen lib.

¶ Von Belen Fyel wasser.

¶ Bel fiel wasser ist gut dē die zū sere gehelset ha bē de sterckt es vñ krefftiget die lebern vñ nyre

vnd macht die frauen fruchtber vñ reiniget sye
nach der geburt. **E**s ist auch gut wan das hirn
siech ist vñ keltē wegē das wermet es vñ stercket
die synn. **A**uch krefftiget es das gedechtnuß vñ
macht gut synn vñ erfrauwet das gemut. auch lu
tert vñ krefftiget es dz verdonbē blut vñ wermet
das march in den knyen vnd driht all kalte such
t. **E**s ist auch gut dē das parals oder der schlag
getroffen hat das im die zunge lam ist vñ mit ge
reden kan wan er das trinckt vñ dem es die siten
getroffen hat das er die do mit schmiret. **A**uch
wem die hend zyteren der sol die hend mit schmi
rē vnd mit drincken. **A**uch kulet es inwendig das
hercz vñ erfrauwet das geblut. **A**uch ist es gut fur
all flecken die vnder den augē sin sie syn vñ hiez
oder von kelten vnd macht das antlicz wiß licht
vnd klar. **E**yn tuch dar in geneczet vnd vmb das
heubt gebunden das ist gar gut vnd legt all wet
gē des haubts. vnd macht auch gar wol schlaffē

Von Seeblumen wasser.

Seeblumen die wissen mit den breiten bletern
die uff dē sehen schweben. das wasser gebrät ist
fast nuzlich vnd gut fur die rotē fleckē vnder dē
augen die do von hiez synt wā es nympt all hiez
an sich es macht auch ein wiß hupf vnd kelt das
hercz vnd die leber krefftiglichē. **A**uch lischet es
alle feber an des menschen lib sicherlich.

Von Rittersporn wasser.

Rittersporn wasser gebrät das ist nuzlich vñ
gut fur all rot vñ geschwer der augen wan man
eyn tuchlin dar in neczet vñ das über die augen
legt so get all rot vñ den augen vñ macht sie klar

vnd weret auch das sch weren vñ ist gut fur fallē
getränk in dē libe vñ fur das darmgicht vñ wer
die spise mit haltē kan auch tribt es dē harnstein.

Von Schffenzungen wasser.

Schffenzungē wasser ist gut als das **Rosenma**
ryn wasser. Es ist auch gut fur die schupenn des
haubts. vñ sunderlich fur der frawē kranzheit.

Von Porragen blumen wasser.

Porragen wasser ist gut in aller maß als dz ro
sen marin wasser. Auch ist es sunderlich gut fur dz
paraliß. vñ fur all fluß die vō dē heubt kōmen

Von Lindenblut wasser.

Lindenblut wasser ist gut den kindē die dē fal
len siechtagen han dem geb man es zu trincken so
genesen sy. Es ist auch gut fur die bermuter. vnd
zitrunge des herczē vñ fur den steyn. Auch ist es
gut dem hend vnd fuß erfroren syn die kelt zucht
es her uf. Auch ist es gut fur alle siechtagen die
vō keltē kōmen. vñ sunderlich dē frauwē wan yn
die muter erkaltet ist.

Von Wegerich wasser.

Wegerich des breité wasser ist gut fur die rur
so man es gibt mit bolo armeno oder mit dē stein
amatisten zu trinckē dan verstillt es den selbigen
fluß vnd stillt auch den frauwē yerē siechtagen
Der spiczig wegerich ist gut zu dē wūdē wā mā
sie do mit weschet so reimiget es die vñ heilt sye.

Von dem Suwer ampffer wasser.

Suwerampffer wasser ist ser gut zu aller hiez
wan es kulet vnd leschet all hiezig sucht sie. sin in
wendig oder ufwendig vñ kulet ser die hiez des
heubtes vñ der lebern vñ all glider des libes vñ
sunderlich sant anthomus plag vnd die pestilencz

No 10
Dm it biez
et beinaz zu
for de porrag
wz biez

Von nachtschaden wasser.

Nachtschadē wasser kulet vñ vertribet all hiez
vñwendig vñd in wēdig des libes vñ sunderlich
was heys ꝛ apostema oder geswer syn od heysch
geschwulst ist. das getrunckē vñ in eyne tuch uff
das haubt gelegt wan es kelt stercklichē all ding

Von hirczungen wasser.

Hirczungen wasser ist heys ꝛ vñd truckē vñd ist
sere gut zu dē milcz. Itē es wirt das milcz zu zytē
als hart in dem menschē als ein steyn vñ krachet
laut das mā es schybarlichē hort als der spen abe
brech. dar fur sol man das wasser trincken. xl. tag
so hilfft es sicherlich. Es zu bricht auch den stein
in den lenden vñd auch in der blasen. das hab ich
schrick dich bewert das es sere gūt ist fur schwe-
grusen vñd forchtsam traüm die dick vō boßheit
des milcz kōmen. des glichē fur schwermutigkeit
vñd trurigkeit die auch vō dem milcz vñ melāco-
ley kōmen. Itē man mag es wol mischē mit wild
Gegenbaum wasser uff das halb teyl wan sie sint
beid gar gūt fur alle brechen des milczes.

Von Hüßwurz wasser.

Hüßwurz wasser das kulet sere. vñd ist glich
dem wuer pfeffer. doch ist es vil kelter an im sel
ber. vñ ir keyns ist dem menschē gūt in getruckē

Von Hoegerich wasser.

Hoegerich wasser ist sere gūt fur dē rotē durch
gang. Auch leschet es das wild feur vñ wan ein
mensch boß blatern hat der sol es dar über bindē
so hilfft es gar wol.

Von Brunellen wasser.

Braunellē wasser ist sere gūt fur das gesegnet

vnd das freysam jungen vnd alten luten. auch ist
es fur die pestilencz gut vñ sonderlich fur die bru-
ne vnd feule in dem mund. vnd was von boser vñ
natürlicher hicz kommet das kulet es.

Von Ertrauch wasser.

Ertrauch wasser oder hötzekrebel wasser ist güt
den mensche die sich furchtē vor der ußseczigkeit
vnd ist gut getruncken vor all krecz vnd reudig-
heyt us dem libe dē dort es vñ heilt dar nach vñ
sonder so man nymet eyn wenig triachel vñ thut
ein gutē trück dar uff wan mā in das bad wil gan
so schwiczt mā all sucht vñ giffet us yme. vñ er sol
sich mit begiessen er sy dan wol erschwiczt wā es
vertribt all ruden oder grimt inwēdig vnd ußwē-
dig. es reiniget auch den siechtagen der fraumen
wan sie es nützen so hilfft es.

Von Stembrechwasser.

Das krut sol gar wol gut sin fur das gries od
sandt. Das krut ist vnden geschickt an dem blade
als eyn rosen vñ hat uff dem blatlin lang rot sten-
gel vñ zu oberst an der spiczen auch wenig bletlin
Es ist auch gut fur den harsteyn.

Von Aschlach wasser.

Aschlach wasser ist gar heisch als zwifal. vnd
hat ein bose feuchtikeit vñ ist bose zu dē angē wā
man sin vil nust. Es macht schlaffē vnd verzzeret
vil feuchtikeit in dem magen. dar vmb trincht mā
es vor die wärm vnd fur das grymmen.

Von Dappel wasser.

Dappel wasser ist kalt vnd fucht vñ mer fucht
dan kalt. vnd ist gut zu erweichē alle harte dinge
die hiczige sein wan es feucht gar wol inwendig
vnd ußwendig. es ist auch gut zu dē schlaff vnd

zu dē heischē feber vnd zu der verrunge wan mā
die beyen do mit weschet •

¶ Von Beyfuß Sunbentgurtel ober
rot bucken wasser.

¶ Beyfuß oder Sunbēt̄gurtel wasser ist heiß vñ
druckē in dem andern grad vñ ist gut zu dē scha-
ben in dem har vñ lest zu zyten den bart wachsen
vñ stercht die brust vnd den kalten magen vnd ist
gut für die wurm vnd bringt die frauwen krank-
heit vñ den brun. vñ v̄tribt den sandt vñ bricht dē
stein vñ ist gut zu der gicht. vñ das krut v̄tribt all
giftig wurm. so man es seudt vñ besprenget die
gemach der heuser do mit vñ getrunckē vertribt
die bermuter vnd ist gut für die gellsucht vnd für
die bleung der lebern vñnd des milczes.

¶ Von Sparrig •

¶ Sparrigwasser das ist gleich heiß vñ drucken.
vnd das wasser bringt den brun also fast das der
brun dar nach schmeckt. vñ darumb ist es gut zu
dē sandt vnd v̄tribt die materig do sandt uf wirt.
vnd ist gut zu dem darm gicht. Es v̄tribt auch dz
stopffen der leber vnd des milcz uf den lendē vñ
wan man wil vertriben t en gemeynen steyn vnd
den sandt so sol man das wasser mit mischen.

¶ Itē für die bermuter mach eynē rauch pō wy
rauch vñ lege yn uff eyn glut vnd halt den munt
dar über vnd laß yn wol in dich gen.

¶ Von Tillen wasser.

¶ Tillen wasser ist heiß vnd druckē gleich vñ ist
gut zu der flichtikeit der zen vñ der brust. wā es
macht vil milch der ammen vnd ist auch gut zu
dem magen. vnd bringt den brunnen vnd v̄treibt
auch den sandt.

6
¶ Von Eufrafia wasser.

¶ Eufrafia wasser ist gut winter zyt zu allerlei gebrechen der in den augen ist den wendet es.

¶ Von Gualdrian wasser.

¶ Gualdrian wasser das sol mā us brennē mit dē wurczeln. das wasser sol mā drinckē fur das vergifft vnd fur die byß der bosen wurm so man es den stricht fur das hercz vnd ist gut fur das vier teglich feber vnd fur den wetagen der siten.

¶ Von Felberblwe wasser.

¶ Felberblwe wasser ist gut zu dem gesicht es wirt auch das har schon do von. vnd der vnflat auß dem haubt wirt do von vertrieben.

¶ Von Hymelbrantblumen wasser.

¶ Hymelbrantblumen wasser. ist gut fur alle geschwulst inwendig vnd uswendig so man es trinckt. oder eyñ dachlein dar in genezt vnd czwey fach über den schabē gelegt so die geschwulst uswendig ist. vnd fur das vrgifft ist mit bessers dan das wasser getrinckē. Auch wer rinnende augē hat von langer zyt her der thu eyñ tropffē oder zwen in die augen es wirt besser. Es ist auch güt fur alle brechē die von flussen kōmen welcherley die synt. Item inwendig sol mā es drincken uswendig an salben. Das wasser ist kalt vnd truckener natur. Ich Schrick hab es dich bewert.

¶ Von freysam wasser.

¶ Freysam wasser ist güt dē jungen kindē so sye die vnnaturlich hiez überleufft den geb mā es zu drincken so verget es yn. Auch ist es güt den die dēoffig syn vmb das hercz vñ vmb die brüst das lufft vnd hilff gar wol. Auch ist es gut altē vnd jungen lute die do geschwulst vmb dz hercz oder

vmb die brust haben oder an der lungen das ver-
tribt es. auch ist es güt für alle bose hiez.

Von dem Erdtberwasser.

Erdberwasser ist güt wer vnrein bose schweiß
by ym hat vñ inwendig bose hieze. vñ leschet dē
durst vñ tribt den steyn vñ macht gar gut blut
mit win getrückē oder gessen. Es ist auch güt dē
der die feulung in dē munt hat. auch wer ein ge-
schwer in der kelen hat dē sol man es zū gorgeln
gebē in dē hals das hilfft sere. auch ist es getrückē
güt vor den stincken müt. Es ist auch dē menschen
güt die vngerebt ligen so man yn das zū nyessenn
gibt das hilfft sie wol. Das erdtberwasser ist gar
güt zū dē haubt vñ zū dē herczē wā es krefftiget
sere wol. auch ist es güt dē frauwē zū ir krägheit
Auch ist es güt für das abnemē. Auch ist es güt
dē mensche dē ein beyn zūbrochē ist das heilet es
vñ wechset die beyn wider vmb zūsamen vñ wun-
den do mit geweschen. vñ wer in dem libe wunt
were dem sol man es geben zū drincken.

Von Meupor wasser.

Meupor wasser ist güt getrückē für das abne-
men. Es weret auch der bermuter. es ist auch gut
für das darmgicht vñ für den swindel i dē heubt
vñ für das blüt spyen. Auch ist es gut für all fle-
cken vñ der dē augē wan mā sich do mit weschet
vñ mit trinckt so vertribt es die flecken. Auch ist
es gut den frauwē den die muter über sich stiget
vñ das grymmē vmb den nabel haben. Auch do-
det es die wurm in dem buch.

Von Stabwurz wasser.

Stabwurz wasser ist gut den jungen kynden
für das hercz gespan vñ für das grymmē in dem

buch. Es ist auch gut den kinde die die bermuter haben. vnd auch fur die haubt sucht.

¶ Von Telschen krutwasser.

¶ Telschen krut wasser ist gut getrunckē der sere vß der nasen blut. vnn̄d ist gut fur die roten oder wissen rur. vnd sonderlich dē frauwē die ir sucht zu vil habē oder auch den buch flūß. Auch ist es sere gut fur den steyn.

¶ Von Spindelbaum wasser.

¶ Spindelbaum wasser ist heiß vñ trucken vñ ist gut zu dem essen in den blatern vñ in dē nyerē. vñ zu den heischē geswarn vñ v̄tribt all hiez. vnd ist gar gut fur die gellsucht. wā es tribt die geschwulst durch den brunne uß in einē follē badt. mag man aber das wasser mit gehalten so send das kraut in wyn vnd trinck das in eym follen bade.

¶ Von Hualwurz wasser.

¶ Hualwurz wasser ist keinem menschen gut czū trincken wan es ist giftig. aber sie wol do mit geschmiret so vertribt es das gegicht vnn̄d leschet auch das hellisch für vñ leget all geschwulst wo sy der mensch hat.

¶ Von Ketich wasser.

¶ Ketich wasser ist gut fur den ryfen steyn. auch tot es die wurm in dem magē vnd brenget die vñ dē we vnd macht harnen vnd tribt ten sandt tes glichen thut auch der kren.

¶ Von Merretich wasser.

¶ Merretich wasser ist gut fur tē risen steyn. vñ auch fur den blasen steyn. Auch das wasser gesatzen vnd einwemig gewermet vnd dan nuchtern getruncken vnn̄d eyn kleyne wile behalten vnn̄d dan eyn feder yn oll geduncket vnd in den halß

gestossen vñ gewurgt das furet die kaltē verlegē
fuchtiheit uf vñ die wasserigen gallen do von die
tercian vnd quartan febres können das vtribt es

¶ Von Wildem Salua wasser.

¶ Wild salua wasser ist gut vnd nucz fur den ste
chen zu dē herczē vō dē bosen geblut. auch ist es
nuczlich dē menschē der gefallen oder geschlagē
oder gewundet ist das er in sich blut vnd das in
ym gerūnen ist das tribt es von einander vñ tribt
das dem menschen uf dem libe.

¶ Von Samillen wasser.

¶ Samillen wasser das ist heiß vñ truckē vñ ist
gar natürlich menschlicher cōplexion vnd ist gut
zu aller mud der glider vñ sterckt die glider sere
vñ drißden brunnen vñ reyniget das fiber wan
man den ruche do salbet. vnd ist gut fur die frauē
krantheit wan es bringt die.

¶ Von Peterfilien wasser.

¶ Peterfilien wasser ist gut fur dē nyerē stein dē
bricht es vnd tribt yn uf es reyniget auch die le
ber vnd hilfft zu mal wol wer nie harnen mag.

¶ Von Baldorian wasser.

¶ Baldorian wasser ist gut wan sein mensch nach
dem baze dar in eyn dachlin neczt vñ über die au
gen leget das macht die augē liecht vñ klār von
der hiez vnd rauch des bades. auch dz wasser ge
trunchē vñ uf figwarczē gelegt vertribt die man
nen vnd frauwē. vnd getruncken hilfft es wan et
was enczwey oder zu erbrochen ist das heilet es
Auch getrūcken des morgens nüchtern ee dz mā
uf dem huß get so ist es gut fur den rauch vñ tē
geschmagh der pestilencz.

¶ Von Betonien wasser.

8
Betomien wasser ist fast gut vñ nuczlich fur all
sucht in dem haubt die von hiez kömen mit eyne
duchlin darumb gewunden dz vertribt dē wetagē
vnd auch die schuß in dem haubt. auch ist es gut
zu trinckē fur den hiezigē magē vñ leber die kulet
es. Auch ist es gut dē frauwē die der kinde in er
beit gen vñ subert yn auch yr kräghheit. auch hei
let es all gift vnd biß der wutende hunt.

Mon Rutenblwe wasser.

Ruten blwe wasser myndert den frauen yre
bloßikeit die es zu fast haben den verstillt es. vñ
hrefftiget das hercz.

Von Abruten oder Bertel wasser.

Abrutē oder Bertel wasser ist heiß vñ dur vñ
ist gut fur dē atem der von keltē kömet vñ für dē
kaltē magen. Es verzeret den rocz in dem magen
oder in dem gederm vñ die wurm in dem magen
Auch ist es gut fur das ygift vñ bricht dē steyn
vnd bringet auch den harn.

Mon Fenchel wasser.

Fenchel wasser ist heiß vnd trucknet gar sere
vñ ist gut zu den augē vñ wā die nater vō dē loch
oder nest get so leufft sie zu dē fenchel. auch ist es
gut zu dem verstopffte milcz vñ wā sich der buch
blehet den purgiret es vnd bringet den harn.

Mon Hollerblwe wasser.

Hollerbludt wasser ist heiß vnd druckē vnd su
bert die lebern vñ macht das antlicz schon. vñ ver
tribt die masen vnder den augen die von der hiez
der sonnen kömen vnd hilfft zu dē haubt we kin
den uff dē nacken yn ein duchlin naß gelegt vnd
an gestrichen. vnd weret auch der außseckheit vñ
meret dar zu den magen.

¶ Von Blawehorn blumen.

¶ Blawe horn blumen wasser zerbricht die fel
uber den augen vnd macht das gesicht lute. vnd
rot augen werden do von schone.

¶ Item wer ein mensch von synen synnen komen
der nem wegrich abruten vñ salvia vñ guß bran-
ten win dar an vñ laß yn sten ein dag vnd nacht
dar nach trinck man do von funff tag nach einan
der so kommet der mensch widder zu synen synnen.

¶ Von Maseron oder Meiron wasser.

¶ Maseron wasser getrücke stercket sere dz birn
vñ tribt den harn vñ der frauen krankheit vñ
knefftiget die muter vñ schluff uff all boß materig
in dem libe vnd die pfisigen menschen macht es
wyt vmb die brust das ym geringer wirt.

¶ Von Pfifferlingwasser.

¶ Pfifferling wasser ist kalt in dem dritte grad
darumb von syner übriger kelten ist es nit zu trin-
cken aber uswendig über zu legē darumb vtribt
es die hiez. Es ist auch gut fur die hiezigē podo-
grā so mā es dar uber legt. vñ ist gut zu dē glider

¶ von Brünnen kref wasser.

¶ Brünen kref wasser schribt aucēna es sy war-
mer vñ druckner natur biß in dē dritte grad das
getrunken doch bescheidenlich wā zu vil getrücke
schadet dē magē. das vtribt fast das gries vñ dz
teubt do mit geneczt behelt tz har dz es nit us-
felt. **¶** von Meyē distel oder vehēdistelwasser

¶ Meyē distel oder vehēdistel wasser dz sterckt
oder widerbringt all inwendig brechē des men-
schen. als an der leber lungen oder an dē milcz. vñ
an andern inwendigē brechē vnd krankheit. auch
den kynde vor das flechet. vnd fur das geseglet.

Von yspen wasser.

Yspen wasser ist gut den die ein schwerē atem haben. auch ist es gūt dē der lungē siech ist. vñ dē die sere husten vñd mit uswerffen mōgen. es offnet auch dē der verstopft ist in dem libe vñ triebt den bosen giftigen schweiß us dem libe.

Von Mauchen wasser.

Mauchen wasser ist gūt vor die rotē f'eckē vor der den augen vñd macht die haut wiß. Auch an dē schlaff oder puls gestrichē vñ getrückē macht guten schlaff vñd senfftiget das haubt.

Von Messeln wasser.

Messeln wasser ist gut getrückē fur das darm gegicht vñ vor das grymnē i dē buch. auch für die bermuter vñd fur die pffstigen muter. Auch triebt es den steyn vñ was sucht vō keltē kōmē.

Von Liebstuckel wasser.

Liebstuckel wasser ist gūt wem das heubt gefwollē ist vñd we thūt so man es dar über leget mit einē tuch. auch wer dē stechē hat in der seytē vñ vmb die brust das vertribet es. auch das antlūcz vō mit geweschē macht es schon vñ luter vō aller rot. Es ist auch dem magen gut fur dē stein

Von Doley wasser.

Doley wasser ist gut dē frauwē dē wee zu dē kinden ist das sol mā yn zu trinckē gebē. Auch ist es gut zu den augen vñd zu allen weetagē so mā es dar über legt. auch ist es gut zu dē kaltē siechtagen in dem haubt oder in den orn dar in gethā hilfft gar wol.

Von Ringel wasser.

Ringel wasser ist gut zu allē gebrechē der augē welcherleye das sy vō hiez oder vō keltē wegen

so luter vñ kler es die augē vñ macht sie schön.
vnd ist gut zu allen siechtagen des haubtes

Von Schelwurz wasser.

Schelwurz wasser ist gut den augen wan es
macht sie luter vnd benymet yne die fell alle vnd
alle rot der augē vñ auch der glider. es ist auch
gut getrunckē fur die bermuter.

Von ysen krut wasser.

Isen krut wasser ist gut fur all dunckelheit vnd
geschwer der augen vñ des gesichtes dz sterchet
es vnd brenget dē schyn widder vñ senfftiget dē
wetagē des heubtes vñ auch der brust vñ offnet
die lungen. Auch vertribt es all giff von dē mē
schen vnd dot die wurm.

Von dem Salua wasser.

Salua wasser ist güt dē der ein bose leber hat
vnd dem sye fulet der sol dz wasser trincken. auch
ist es gut dē die red gelegē ist vñ dē es die zungē
getroffen hat oder die glider erlamet oder erkrū
met syn denn hilfft es vñnd ist gut fur die czitern
glider wan man sich do mit schmyret.

Von Hermut wasser.

Hermut wasser ist heiß vnd trucken vnd ist gut
wer eyn bosen kalten magē hat dē wermet es vñ
macht das man die spise behelt vñ verdaumt vñ
macht gutē athem. Es ist auch gut fur die wurm
in dem magē vñ in dē buch. Auch vertribt es die
bosen fuchtheit us dem libe. vñ vertribt das ge
sicht in der huff. vnd macht dē kusch der es dick
drincket vnd das wasser vertribt auch das fusen
des haubtes vnd vertribt die wutung der zen.

Von Brenlig wasser.

Brenlig wasser ist güt den die siech syn in dē

10
ruck grabt vnd vil weetagen dar yn haben. vnd
auch fur alle wurm in dem buch. Auch ist es fast
nuczlich vñ gut fur das darmgicht.

Von Seyden wasser.

Seyde wasser das in dē flasch wechset ist gut
zu aller sucht der lebern. auch reyniget es die lun-
gen vnd sterckt sie vñ tribt den bosen dampff von
dem libe vnd vertribt auch die wassersucht vnd
die gellsucht vñ tribt den harnsteyn kreffelich us
vnd ist gut fur das grymmē in dē libe auch klärt
es das gesicht vñ ist gut dē frauwē dē die muter
erhaltet ist vnd die ir krägheit mit zu rechter zeyt
haben. Auch ist es gut dē die vmb den nabel ge-
schwollen syn vnd macht wol harnen.

Kunlin krut das siecht uff der erden vñ schmacket als wolgemut.

Das kunlin krut wasser ist wenig heiß vñ fast
druckē vnd ist gut wan sich eyner klembt od̄ eyn
glid zuknyschet dar über gelegt vnd getruncken
vñ ist das best zu der haltē leber in d̄ wassersucht
Es heilet das gedāim inwendig nach dem eyter
es weicht den harten magen vnd ist gar gut fur
das teglich fiber wā man es mischet mit wermut
wasser. Das hab ich michel schrick dich bewert.
vnd es ist armer lut erczney.

Von Sychen laub wasser.

Sychen laub wasser ist dē gut der rot vnd bla-
teret vnder den augen ist do mit geweschē macht
die hude wif vnd vertribt auch die rur in dem
buch.

Von Ephey oder Epich wasser.

Epich od̄ Ephey wasser ist gut dē die dē stein
haben den tribt es us vñ reiniget auch die verm

vnd die blasen vnd es ist den frauwē mit gut wā
es vertreibet yn die geburt gern vñ verfuret den
samen vnd thut den frauwē schaden.

¶ Von dem Kuwedreck wasser.

¶ Kudreck wasser ist gut uff die heis̃ geschwulst
oder geschwer gelegt dz kulet vñ zytiget es. Es
ist auch gut vor sant anthoni⁹ plag die leschet es

¶ von Swammen wasser.

¶ Schwammen wasser ist gut vor die roten fle-
cken vnder den augen.

¶ von Winczen wasser.

¶ Winczen wasser ist heys̃ vnd truckē glich vnd
ist gut dē die bose lebern oder lungē han vñ fast
dempffig syn vmb das hercz. Auch ist es gut den
die nit gedeuwen mogen vnd darmsuchtig syn.

¶ von dem Rosen oll.

¶ Rosen oll mach also. nym zwey pfund baum.oll
vnd lege dar yn ein halp pfund rosen bletter. vnd
thu es in eyn glas vñ r̃stopff es wol vñ secze es
an die sonnen zu tage vñ syhe es dan durch eyn
tuch vñ thue es widder in ein glas vñ thu frisch
rosen daruber. das oll sol man also behalten.

¶ von Crutzwurz wasser.

¶ Crutzwurz wasser ist gut wem die lebber ent-
zundet ist von ynnaturlicher hiez dē sol man es zu
trincken gebē. Es ist auch gut vor alles gesegnet
in dem libe. man vertribt auch die wurm do myt.

¶ von pfaffenkrut wasser.

¶ Pfaffenkrut wasser ist gut frauwē vnd mānen
zu trincken wan yn die muter in dē lib vnrein ist
oder we thut. vñ besunder reyniget es die muter
wan man eyn schweyßbad machet vñ das kraut
dar in seupt vnd dan mit dem libe uff das kraut

11
siezet so heysß man es erleyden mag.

von Lauendelwasser.

Lauendel wasser ist gut allen den die lam sein yn dē glidern. d̄ sal stetiglich die gelider do mit schmiren vnd waschen. sol dan et was die gelider wider bringen so thut es das wasser

von zickel wasser.

zickel wasser ist gut allen den die geschwollen sein wen man yn das zu trincken gibt vnd die geschwulst do mit bestreicht.

von Bilsen wasser.

Bilsen kraut wasser ist gut allen den die vnna-
türlich ruwe han inwendig oder uswendig ires leibes so man in es uff das haubt od̄ uff dē schlaf leget so gewynnē sie natürlich gut ruwe vnd mogen auch dan dar nach wol schlaffen.

von Genßdistel wasser.

Genßdistel wasser ist den menschen gut die inwendig vol hiez sein. wan sie das trinckē vñ sich do mit schmiren das hilfft sie gar wol.

von Binsaugen wasser.

Binsaugen wasser ist gut fur die gellsucht frauen vñ mannen. so man yn es zu trincken gibt.

von Bonenblw wasser.

Bonenblw wasser ist gut fur die narben oder scherzen in dē augen so man das dar ein thut so hilfft es. Es leßt auch kein fel dar über wachsen. Auch ist es gut fur die narben od̄ scherzē vnder den augen so man sich do mit schmiret.

von Kranwitber oder wacholterwasser.

Dye ist zu merken die tugent der kranwitber nach laut vñ sag meister albertus des heytē die er bewert hat vnd versucht yn der stat Florenz

Item zu dē ersten so nym die wacholterber zu der zyt vnser lieben frauwē v̄scheydung wie vil du wilt vnd seud sie in einē neuen hafen gūß dar uff dē bestē win so du yn geban magst. secz dz zū dē feur vñ laß es wol erwallē. feym es reyn vnd sauber. wan das beschehē ist so guß dē win vō dē beren in ein rein glas behalt das wol bedeckt.

Darnach so nym des selben wins uß dem vaf so der erst win uß gelassen worden ist vñ guß den selben win uff die gesoten wacholterber thue ym recht als vor der erst wyn gesoten ist guß yn als du dē ersten gethan hast. **D**ar nach so nym die Homer vnd lege sy uff eyn bret drucken sye wol an der lu ft wan sie dan drucken sin so thue sie in eyn vaf. guß dar an syben morgē oder neun also beiseidelich alltag ein wenig.

Darnach so drinck des erstē w̄yns frume. des andern gesotten weim drinck des abents wan tu wilt schlaffen gen. **I**tem das obgeschriebē wasser ist gut fur all wetagē des haubtes vñ fur all krāgheit die dz hercz liedet. fur all brechē des magēs vnd vor alle gift. **I**tē fur allē inwendigē brechē der dem mensche vnwissen ist. **I**tē fur den fallendē siechtum. **I**tē fur das paralīß vñ fur die tobsucht des libes. **F**ur all apostema die dem mē schen nit geschadē kan. **F**ur alle fluß des heubts wie sie sich fugē. **I**tē fur alles wullē vō welcher ley krankheit des heubts das sy. **F**ur allē brechē des ruckes vnd der lende vñ der czen. **I**tē fur dē stincken athem uß dē mūd. **I**tē fur das steckē vñ den dampff des libs den vertribt es inwētig vñ macht gutē ringē athem. **I**tem fur alle inwendig krankheit der frauwē do vō nit czu schriben stet.

vñ wan man die wacholterber zustoßet vñd des
morges in gesoten weichē eyren yßet oder nuzet
so wirt ir brechē do von wendig. **I**tē fur all usse
czigkeit wie die genant ist die vertribt es gewal
tiglich. **I**tē fur all krägheit des geäders dz wi
det vñ weicht es. **I**tē wer die wacholterber stoß
set wol vñ druckt sie druch ein syb vñ lüt dz wol
mit linoll vñ ruhet dz wol mit einer spatula. wā es
dā wol gesoten ist so laß es wol zu decken vñ also
bedeckt erhaltē vñ behalt das dan in einer fuchte
stat. das ist gut dē lütē die gestossen oder geschla
gen oder gefallē syn die sol man do mit salben by
einē feur an der stat do sye dē brechē kan. **A**uch
ist es den luten gut die yrē schlaß mit han mogen
die bestrichē sich do mit an dē schlaß er sy gesünd
oder siech. **I**tem man mag die ber nuchtern roch
nyessen vor die bose vrgiftig lufft. **S**ie syn auch
zu dem gesicht gut vñd bringen grof gesuntheit

Von dem gebranten wyn.

Der gebrant wein ist gut vor das gegicht
do mit bestrichē. wer heiser ist d bestrich
sich mit gebrantē win vmb den hals vñd
drinck des drei morgē nuchtern. **A**uch wer all
morgen drinckt des gebrantē wyns ein leffel vol
der wirt nymer krankh.

Item wan eyns sterben sol so guß mā yme we
ing gebrants wins in dē mundt er wirt redē von
synem dode. **O**der auch guß des wyns in einen
doten der erfaulet noch erstincket mit uff erdē oð
dar vnder. was fleisch mā do mit bestrichet es sy
rome oder gesotē dz erfulet noch erstincket mit.

Auch wer trieben wyn hat guß er gebranten
wyn dar yn er wirt widder schone.

das oll vff gebranten wein gegossen felt zu grůd

¶ Welcher mensch dē stein in der blasen hat der trinck all morgē ein wenig so zubricht er dē stein vnd komet von yme vnd wirt gesunt.

¶ Auch wer gebranten wein trincket all monat ein mal so stirbt der wurm der dē mēschē wechset an dem herzen oder an der lungen oder lebern.

¶ Der gebrant win ist auch gut dē mēschē dem das heubt wee thut Wer sein haubt mit zwahet der ist alwegē schon vñ lang jung vñ machet gut gedecktnuß. Wā der gebrant wein sterckt tē mēschē sein synne vñ wicz. Wer sein āgesicht do mit weschet der grawet mit. Er dot auch die nyffe vñ die milben. vñ wē der athem stinckt der bestrich sich do mit vnd trinck ein wenig mit anderē wein so wirt yme ein süsser athem.

¶ Item wer den husten hat der trinck Gebratē wein mit anderem wein so wirt er gesunt.

¶ Item wer trube vnd rot augen hat der streich ein wenig an die brauwē. vñ wan er schlaffen geet so dreuff er ein tropffen yn die augen so gemist er

¶ Item wer nit gehoret der trauff einen tropffē yn die oren so wirt er gehoren.

¶ Auch wer wassersuchtig ist der trinck gebranten wein vnd streich yn vmb den bauch wann er auß dē bad will gen by einē feuer so wirt im bad

¶ Wer auch orwurm ot er ander in den oren hat die sterben von dem wein.

Anno dñi M cccc lxxxi. vi. k^las nouembriis.



★ ★ ARMY ★ ★
MEDICAL LIBRARY
Cleveland Branch

